

# Bwok-Basa Dagwi gwo ney

## Nára



# Lagwi, Lo Rat Hê Dagwi



Mwat de a jeg: Edward Hughes

Mwat de a dunga: Lazarus  
Alastair Paterson

Mwat de a ye ey: Sarah S.


Mwat de a doyo ha mo: [christian-translation.com](http://christian-translation.com)

Mwat de a nusu na ha mo: Bible for Children  
[www.M1914.org](http://www.M1914.org)


©2021 Bible for Children, Inc.

Reto: Hwa vög reto na hwo hasa ke hwo dak yá yemo e bebok  
berang ka sede hwô ra me nejik wet.

Jeng de Yesu á se e jey, á basa a besam me era Lagwi. Á yila hwomo a “Lô Da Hong”, ko a ye nelo na se sherek e hwomo. Lo ha se gbong kwôn sangal rat. Lagwi a se gwogbong o ko a dal mwa nelo jey naa nerat.




Yesu a ye, “Me kye wɔ yɔng a yin kwɔn sangal. Jeng ma wɔ yɔng a yin kwɔn sangal o, mɛ toyo na me ba jut in vɔg na me.” Yesu a kye vɔg e Lagwi e bame de a sogo yi e reku. Besam mɛ ba bereng jeng de ba jut ε, ko belé ba bang ε yi e beyis men.



3


Yi e jeng yane, Bemat Raa bé Basa era sira de Yesu a ra wɔgɔ ê toyo na a vey jut en. Yesu a ye wɔgɔ ê toyo fút, jeng de wot e tɛ beyis wet. Mwa ano, ko lá era vemo de бага kana kusu gyam na ye a toyo ε? Bwok Basa Dagwi gwa ye wɔgɔ yen aga kye cik wɔ sangal na Yesu. Ka sede mwat a se eji rebek wet, ye a se sangal na Dagwi.

SANGAL TANGA  
DARWEY




4

Retô Fong, bwok Basa gwo tálá eji Bwok Basa Dagwi gwo há wot wɔgɔ Lagwi a se rwat sizɔng. Ko Pyé langat o mwa ye a Lagwi a se Lɔ́ Dagwi. Dagwi a se e kahe kwɔn, ko Lagwi a se Gwofwa Sangal mɛ.




5

Betom Lagwi na bwang be gabik be re a Dagwi nefolong eji Lagwi. Ano arɔng na bemat Dagwi de бага kusu ko ba se e Lagwi. Yen e ra lele hak ve somô Dagwi. Lele hak a vemo de yen e ra:  
HWA SHILA GYAT YAGA HWA SEY  
OT VOḠ NA DAGWI NA NEMÍ MO,  
WOT YI E KAYE CEN NA KAHE  
VWEL KO HWA  
Tɛ WOT BE  
GWÒM NA BE  
PIRIS VOḠ  
NA DAGWI.  
(Retô Fong 5:9)



6

Berang ve yene bà misang a wot wɔgɔ Lagwi wɛ a “Yerusalem Fwas.” A se gwogbong o sizɔng, dwá duk de ba gwɔrɔ mɛ pomo mo wa se e tet o arɔng. Ba lɔk wɛ na beta yaspa, jɛgɛg sede dyenere. Ba tɛ retis lɔk o na beta berat sizɔng. Be nep na nshi deti detu. Kagwe rwi wɔ yel e gbong pomo mo ba yɔng na gwogbong gwofwa gwining!




7

Begbong rí vane mo be tɔk bang ve wet. Wot yel na wot wɔ di ... HÁÁ! Lagwi a dal na nerat eji mo. Ba lɔk gbong repomo mo na dyam shinang, jɛgɛg sede gilás. Ba lɔk Neshɔk gbong repomo mo na dyam shinang arɔng.




8


Rõt de ha se rat, jëgëg na nshi de ne nongôs neken he yis yi e Gwofwa Sangal Dagwi. Retin cõgõt nongôs neken ha se e vvara rõt o, hemo de ha kana se e hwyirí Eden. Cõgõt yemmo ya se yerê cõgõt cak. Ye tãs yerê ney kuru na ne mba deti detu. Kagwe fwel na yerê ney de ye tãs. Berang retin cõgõt nongôs neken o he nongôs mwa yerê bemasi netyang.



Lagwi e ka simi gwi ke fwel yaga negbey wet. Nedyet Dagwi na shila na Negbey. Vit e turuk e hwomo.



Ngyamá Lagwi mwa ya se detu. Ya se sede besá. Be nét na ney vyel pyeng be re song e kwõn hining o. Begbong begukum arõng be re song sede ngyí. Darwey a ye, “Bê wey ke bê mã hwak wet e raku Wo Jerë Hong.”



Ka sede wot a bereng, wot ê di wõgõ pyé cak ya se vit e Lagwi. Vit e betin há ves e hwomo. Vit e yol ke simi to. Vit e man rí duk yaga vit e begyik e Lagwi. Vit e bemat há bõs, ke mõbõs bemat, ke bemat kwit, ke bwang bemat beves. Vit e yerê nen hak e Lagwi.



E hworo Lagwi na Dagwi, vit e mwishil. Jeng cak, bemat Dagwi be toso yaga gbong yõm de be sõ e jey. E hworo e Lagwi, Dagwi ê yising a yen mishil.




Vit e reku e Lagwi arõng. Bemat Dagwi bê se tanga Darwey jeng vit e yene. Vit e lasa yey, vit e sin, vit e nepep. Vit e rõ, Vit e gas en, Vit e hou bemat. Kawe mwat e Lagwi a shila na yey pyeng tanga Dagwi vit e yene.



Gbong pyè a yet ngan, Lagwi a se yaga behwong na bewen (na bemat be rey o arong) vemo de ba sey sago wogo Yesu Kristi a se Mwat Sey en ko ba to gyeng bedu me yaga a se Darwey men. E Lagwi Bwok Basa gwohwak gwa se de be yila gwe a Bwok Basa Gwo Neken Gwo Ke Tyimit Dagwi. Gwa shila na nezâ bemat. Hwa tok beza bemat o aret? E mwa bemat de ba te gap men era Yesu.

Zá mo ha se eji mo a?



15

Há he yene mo eji Bwok Basa Dagwi era Lagwi ha se gbong yila rat. “Ko Gabik tanga Rwas Gwel ba ye, ‘Vey in!’ Ko mwat de a wok tik na a ye, ‘Vey in!’ Tik na mwat de e wok yey hwoso a vey. Ko kawé de a simi, tik na a vey so nshî neken e noro.”



16

Lagwi, Lo Rat Hê Dagwi


Yá yi e há Dagwi, Bwok Basa Dagwi

Ba se eji

Yohana 14; 2 Koritos 5;  
Retô Fong 4, 21, 22

“Yêl rehá mo he nong negbey.”  
Lèlè 119:130

17



60

60

18

Yâ Gwo Bwok Basâ Dagwi gwomo gwo há wot e ra Dagwi wo pyé Langat, ye de a yong ot ko e to simi na wot e tok e.

Dagwi a tok wogo wot a ga ragas pyé vyes, de ya se nen.

Ko tabâk nen o he a reku, mwa ano, Dagwi a simi hwo sizong yaga ano a tomo talâ hwei me, yesu na a ku era kak yaga tabâk benen mot. E bama mo, Yesu a to sogo na neken ko a kye vog e Lagwi. Ka sede hwa nong sago na Yesu ko hwa lolo he na a hala hwo benen mo, ye kwong a rada ra ano. Ye kwong ê vey sangal eji mo a remo, ko hwo arong hwô sangal tanga ye gbak gbak.

Ka sede hwa sey sago na ha hemo, ko hwô yang Dagwi ngan: Darwey Yesu, ma nong sago wogo hwa se Dagwi, ko hwa te wo mwasi, ko hwa ku yaga benen hong, ko hwa to se na neken. Gabok, vey eji me na hwo halâ a me benen hong yaga na me se neken ne pas a remo yaga na gasi hak e vey sangal tanga hwo gbak gbak. Sele me na me gyeng bedu mo na me to te me hwey mo. Ano.

Dôp basa Bwok Basa Dagwi na hwo to ha na ye kahe gasi. Yohana 3:16

19